

處  
實  
堂  
集

處實堂續集卷之一

本甲乙稿

長洲張鳳翼伯起撰

五言古

感事

荏苒歲云邁青陽日以迫攬鏡歎吾衰青髻忽半白安能  
衣敝袍強顏對貴客世態已見垣無勞問泉石

砧杵吟

採石求望夫取木用連理石琢堪爲砧木削乃成杵試聽  
砧杵聲風吹和律呂獨有斷腸人聞之淚如雨

古意

逃名亦有心務實本無事奈何不稱疾罔知過情耻幸辭  
轅下駒甘曳塗中尾

荅俞子如

矯矯射隼公嗟嗟爽鳩氏詎云無言責激揚目決志編書  
報相問奚論衆語評不媿張孝廉可知青史事子如寓書有此二語  
少正不獨誅司寇何爲爾越石久未贖晏嬰有遺耻榮名  
在霄漢那知羨青紫

贈周敬臣

澤國腴鴻浸澄湖標鶯脰纓綏開濬源篤祐啓厥後隆棟  
煥春陽肯堂翔書繡典墳紹家學何藉伏生授黌校飛英

聲戰藝若射覆棘闥失狐腋剡薦推領袖荏苒五十強益  
壯俟良邁漢帝稱好少疇令平津驟豹隱會須變數奇自  
應偶施翮千仞輝承顏三芝秀安知衡門什不爲承明奏  
玄賞陶素襟稱觴及嘉候微尚托風徽敷辭爲君壽

送顧憲副道行督學閩中

燁燁八閩英濟濟清朝選敷文上嘉帥憲節移東充顧榮  
白人望清寄緣時顯乘春駕彩鷁朋來紛飲餞汎幻化雨  
施陽澤春風轉契濶愧蓬蒿睽遠負英眎委徑隔通津高  
軒迴蒼蘚夷猶憶明發不得承芳宴願言金作礪還祈玉  
爲鉉呵毫漫成賦聊將寸忱展

七言古

洛陽才子歌荅王胤昌太史兼懷韓存良徐公望二  
宮諭

洛陽才子姑蘇客駐節江干問山澤亦知狂生老吳市誤  
擬公車事行役人生會晤信有緣青陽逼歲素書傳開緘  
後予二姑勝倏忽滿紙生雲烟金門大隱自玩世蓬萊謫  
真豈凡吏却笑紅塵白髮人紛紛競說神仙事蔡經舊住  
吳城南人言麻姑曾着鞭丹砂布地今安在蔡經故宅鋤  
爲田方平今作皇華使探奇夜讀仙壇記便道吳門覓蔡  
經蔡經不與方平遇當日方平事有無我將馳檄問麻姑

從姑何許得驂乘  
綵筆挈入方輿圖  
青山有幸人不偶  
傾蓋班荆我何有  
蛟龍不飛磬池涸  
呵凍濡毫笑龜手  
方平還入紫宸朝  
徐福韓終須見招  
抵掌若談湖海士  
願言飛札報漁樵

翩翩公子行贈凌金吾伯升

翩翩公子今信陵  
吳門遊閒凌伯升  
弱冠窮經邁黌校  
博學弟子咸推能  
父作丕承大司馬  
百粵勲名重朝野  
疏爵壤子任禁近  
金吾列負輦轂下  
勤宣何必盡儒冠  
鳴佩遠同供奉班  
有時畫繡服  
綵衣有時戀闕近  
龍顏青髯寧疲  
子雲戟赤心常備  
何羅瑟長孺挺節  
自匪夷德裕承家  
竟

無匹嗟嗟科名律俊髦每因一第輕賢豪請君點檢雲臺  
上多少毛錐與寶刀

吳市謠送朱郡公擢叅浙藩

側身吳市懷干將年過半百猶倔強指掌雲霄成畫虎嶮  
巖中道悲亡羊八閩柱史朱公子握符治郡敦風紀三顧  
彌深國士恩片言陳情石投水盟心鏤骨無可擬許身只  
合酬知死名高銓部下除書晉擢叅藩駕使車觀濤會覽  
錢塘勝鼓鬣行看禹穴魚古來循良孰比伍龔遂之犢劉  
昆虎較之却疑失前古三吳無計留慈父兩浙騰歡競鼓  
舞寄語浙民莫鼓舞九列延登且接武德星那得專分土

送沈二府入覲兼呈朱大叅

南陽朱季近代無昔自柱史來臨吳一朝簡命叅浙省吳  
民欲借爭號呼沈侯佐郡稱神明下車以來繫輿情僉言  
幸有沈侯在奈可入覲金臺行金臺巍巍切雲表計日言  
旋春未老朱侯不借沈侯來猶似連城得完趙風雲快覩  
際昇平虎拜應聞虞鳳鳴驅車早返青徐旆莫負兒童竹  
馬迎

五言律

漫述

幽徑鎖苔痕端居慕漆園容容心不競默默舌猶存快意



書千卷忘形酒一尊自應珍敝帚何必掃人門

趙進士得第壽母

對策通仙籍乘軺拜母幃雖登郕詵第猶戀老萊衣照戶  
靈萱色明樓寶婺輝恩綸知有待計日下金扉

感昔

疇昔病燕薊風塵卽次初偏多奈鄉夢難得是家書屈指  
已陳跡回頭知啓予不因失塞馬那可狎江魚

解劉僉憲見嘲

混俗乃絕俗違時非忤時滄浪應自取涇渭豈人知在漢  
身常保遭唐跡太奇寄言題字客開卷問吾師

過曲水草堂感昔憶亡弟叔貽

池亭虛故賞風物愴愁心  
花落田家樹枝彫實氏林  
白眉成冥漠青鬢久銷沉  
何處生靈籟猶聞鸞鳳音

趙就之夢具見過

春色漸無賴屏花待客開  
多君能載酒更挾美人來  
明月東山侶流霞北海杯  
夜騎驄馬去疑是習池回

送周文學之充

豈少丈夫氣偏多游子顏  
尊前一行柳別後萬重山  
烟水江鄉外風塵鄒魯間  
漫言能顧曲愁絕是陽關

偶得一鷗殊可愛玩漫成二首

遠性適林丘逍遙不繫丹已無田數頃何必橘千頭夢破  
遺蕉鹿機忘狎海鷗自能持潔白臨水任沉浮  
懶拙杜紛紜園廬罕見聞難馴是龍性易狎得鷗群度影  
洲前月同盟水上雲凌波能刷羽緇涅任從君

贈吳山人

有美延陵後名高著述初自矜才倚馬不歎食無魚看竹  
多傾蓋種松成隱居問年今半百踪跡混樵漁

夢季招

計爾辭人世盈盈尚少年祗應超淨土何必了塵緣恩怨  
俱成幻輪迴別是天朝來恍然悟合掌拜青蓮

送林太學承熙謁選乃父先已客京

抱璞謁楓宸觀光及尚賓壯心生戀闕鄉思慰寧親推轂  
橋門選驅車驛路身莫辭行役苦前路是通津

傅明府考績封母

六載勤民績三遷訓子功試尋賢母傳知有古人風報政  
鳬依闕銜書鳳下空王言自天聽應與口碑同

送葉茂長遊廬山

信宿發姑蘇秋風客棹孤開心尋石鏡飛思度香爐松樹  
巢仙侶蓮花揖酒徒廬君倘相借可許夢遊無

有餽酒者輒蓄之以俟不時之需月甚佳始開尊試

之皆變爲異味不可飲乃試何文學所遺新醕三  
白稍得遣興漫作

開尊狂漫劇邀月與偏違左手慚霜蟹東籬枉白衣投醪  
人可共設醴客應歸賴有何郎粉三杯一解圍

寓感

本無懷壁罪誤觸鑠金弦薜荔園應密松筠徑莫穿踰垣  
非避客面壁合逃禪獨侈禽魚侶能追石上緣

李本寧太史貞吉王孫汪仲淹文學諸君以游包山  
爽中秋小園之約

仙舟應返棹良約尚愆期乘興知無盡觀濤須幾時寒催

玉兔早槎入斗牛遲獨有清光共停杯好問之

貞吉王孫本寧太史暨汪仲淹周公瑕諸君集曲水

草堂分韻二首

踈雨滌塵囂園林物慮消雲邀大隱客花副小山招濁酒  
談龍劍清歌學鳳簫夜闌須待月銀燭不辭燒

右得招字

神交頻入夢晤對即忘形誰謂頭空白偏憐眼倍青家雖  
隱榜市客自賦湘靈遮莫陰雲蔽尊前有聚星

右得青字

同莫廷韓登顧仲卿樓船觀妓

半舫背稱奇全輸顧凱之春潮天上坐仙侶晚同移輕棹  
搖青雀飛廬出畫眉無論入牛斗已許學鴟夷

閉戶

開戶謝塵緣何須遠市塵品茶吹宿火遣興輯殘編  
餽粥餽粥予口烟霞任我眠閒來支策步不飲亦陶然

送王憲副敬美督學八閩

謾說牆東隱還先冀北群雙龍疑螭屈獨鶴已聲聞  
名在虛前席書傳邁右軍八閩思化雨多士正如雲

自喜

一身逃俗累半畝足風烟靜息焚香後閒行落木邊  
人生只如此物理亦宜然莫笑成離索從來少世緣

為鄧羽士題其師孫翁來鶴卷

不見遼城鶴那知丁令威既從華表別應與白雲歸骨瘞  
銘猶在江空夢已非只今塵世客誰可道玄微

長至獨坐

閉關酬節序抱膝謝招尋省識盈虛故方知天地心剝窮  
陽始復亥盡子初臨正是希聲日應無空谷音

虎丘

移舟七里郭忽見一林丘埋劍金成虎談經石點頭梵城  
珠樹合天鏡法雲浮卽有笙歌沸無妨洞壑幽

送沈尚寶純甫還朝

丹楫入通津江梅渡嶺春赤心餘九死丹詔起孤臣名自



題屏重班聯尚璽親須教霍子孟益誼漢廷人

過顧尉半閒齋題贈

三絕繼長康微官寄末行訟庭通曲徑花縣得禪房草木  
叢幽砌琴書覆竹床開尊延野客亦足傲羲皇

山靈孕玉爲包孝廉詠芝

扃戶讀騷經叢芝山下生鳳池徵獨對麟趾報雙成蔥蒨  
開雲母玲瓏睹月精眼前俱左券何必問君平

賦得聚齋

知爾戰來肥蕭齋與世違墨花應燦燦玉屑自霏霏玄賞  
羅群雅文星集少微何當杖邛竹同此息塵機

賦得師竹奉贈王太史流昌

得象因觀物師資屬此君  
虛中應入室高節自凌雲  
有斐淇園見無聲嶰谷聞  
芬芳選結實知集鳳皇群

開歲

開歲倏經旬園廬氣候新  
乾坤容長物日月老閒身  
野鳥成賓主幽篁是比鄰  
無論乏推轂吾自樂埋輪

琴懸壁間風至自鳴戲示吳二懋功

未識琴中理惟存琴上絃  
風來生萬籟夢入聽鉤天  
空谷聲無著高山意自偏  
須知廣陵散元不待人傳

向公瑕乞梅樹

曾見北山幽參橫古榦稠從君乞珠樹令我夢羅浮色借  
黃昏月香分清淺流歲寒同意氣應不負相求

解嘲

依隱可玩世窮愁聊著書一宮惟半畝萬卷足三餘往事  
藏蕉鹿浮生化鳥魚達觀空五蘊吾道有真如

詠水

一派發崑崙湯湯出海門足纓須自取涇渭或同源不有  
狂瀾倒寧知砥柱尊褰裳何可就夷險任乾坤

過雲隱菴舊嘗寓讀於此

豹隱豈無地龍宮別有天尋僧追往昔攀樹感流年檀越

三生事香臺一縷烟祇應呼酒伴同醉夕陽前

送張湖倅督龍衣北上張嘗司教長洲

昔也傳經地茲來謁帝闈宮牆望顏色祖餞有光輝  
化雨沾紅杏文星近紫微東風好相送天子正宵衣

寒食西鄰失火

時過寒食節火燎乞新餘拍手人向馬汲池殃及魚  
然灰撲還起烈焰戢仍舒賴有交精在猶能衛敝廬

送金大參赴任滇南

冀北重掄材滇南使節催星輝參井近山色點蒼開  
酒爲孤雲盡書期萬里來知君將九列執手亦徘徊

賀陸汝鯤移居兼致弄璋之祝

喬木正扶踈遷鶯出谷初舊繩曾望武新卜稚川居一水  
乘舟便千山入戶餘懸知種玉處佳氣滿庭除

贈江右堪輿家熊生

之子洪都彥名山好勒銘朝窺雷煥劍夜讀景純經鄉國  
雲爲舍江湖客是星因君問華表鶴馭幾逢丁

送孫叔達游武林

祖述天台賦應從地主遊携尊追白社載筆紀滄洲丘壑  
胸中盡風烟象外收如逢長嘯者鼓吹滿歸舟

賦得樂昌公主有贈

頻笑何容易悲歡覺命輕各含無限恨相對不勝情琴喜  
危絃續粧憐破鏡明出門猶恍惚恐是夢初成

秋夜

池館興偏幽空庭大火流清歌停子夜紈扇却新秋月度  
雙桐影蛩催四壁愁謾言驚物候投老足滄洲

送顧都諫服闋還朝

宿望省中聞還應入鳳群寧親成孝子就列事明君祖  
席江南月征帆冀北雲清朝無闕政諫草不須焚

霜降日俞子如秋官過宿小園時子如以抗疏廢

節序迎賓鴈談鋒快爽鳩新霜餘白簡舊雨豁青眸聲價

輿情重彈章乘筆收只愁呵醉尉草榻夜淹留

孫齊之示予王將軍賣劍歌予愛其壯烈媿不能和

聊賦一律報之

昔年買寶劍萬里欲從征今日賣寶劍慚當烈士名悲歌  
付長歛血淚盡青萍莫說封侯事令人氣不平

送孔願之謁選入京

何來青眼客云是素王孫壯氣應題柱行踪欲掃門  
淒奇成舊雨計日拜新恩奈可寒江別驪歌酒一尊

葉順德處元携具陽春堂聽歌漫成

入朝過嶺表便道駐江東明試循良異追歡杯酒同謳歌

梅福市舞蹈未央宮爲說沉淪者堯天擊壤中

贈陳孝廉伯書陳尊君時官浙中便道省之

有客游吳市翩翩自楚材寧親曾駐轍訪友復銜杯劍氣  
城頭月瑤華江上梅燕雲須五色知爾上金臺

胡孟弢母病禮佛孝感靈光勿藥有喜爲賦二律

霜色侵萱草香臺禮藥王至心虔孝子佛力驗靈光星彩  
占南極慈顏謁北堂馳封應計日釋褐在春陽

儒門虔令子釋典驗醫王爲得菩提力因窺舍利光忘憂  
何待草勿藥不須方天女如相問慈幃已壽康

繩武樓爲裴孝廉簡卿賦



勝槩一隅偏貽謀近百年徑幽藪竹樹地遠足風烟堂構  
元繩祖棲居不待仙登高須有賦知爾欲飛騫

挽陳戶部汝化

憶昔監儲日偏多舊雨情忤時官左次光復命先傾宿草  
人何在空梁月自明象賢知有賴猶可慰生平

五言排律

送李兵憲擢叅浙藩分得楓橋

題柱擁旌旄威聲壓巨鰲天空卿月迥雲淨法星高偃武  
銷烽火論文育俊髦仁雖比冬日明自察秋毫保障寧吳  
越謳歌起桔槔觀濤祖生楫開府呂虔刀簡命新除目隣

藩借羽毛江村羅兆庶稽首獻香醪

黃憲副挽辭

楚服鍾靈茂申生卜日良一經成造士三命利賓王執法  
文無害懷災吉有祥部中推虎渡塞上說鷹揚青髯懸車  
早丹心戀闕長東山方試履西汜忽摧梁跨鶴凌雲漢乘  
龍返帝鄉淚碑留峴首祀典重膠庠祖述孫枝秀貽謀奕  
葉光千秋傳循吏應不數龔黃

七言律

次韻荅沈尚寶純甫枉過見贈

由來沈約擅詞宗新藻翩翩銳筆鋒請劍昔年鳴立馬賜

環此日覩飛龍投荒未老人間世招隱仍追物外蹤臭味  
本諳葵藿性烹蔬寧厭瓦盆供

題畫墨花

桑皮數幅駐芬芳紅紫空勞競洛陽開落不隨春去住淡  
穠惟許墨平章喚回蝴蝶非關夢勾引游蜂豈藉香常見  
本來真面目悔從闌檻惜韶光

戚少保移鎮南海道吳惠顧奉贈二首

三朝宿望重金臺受脤仍看秉鉞來南海韜鈴新上將北  
門鎖鑰舊中台輕裘元凱投壺興下馬脩期露布才豈少  
幕中參勝畫停車猶自領蒿萊

悅禮敦詩自絕塵折衝尊俎竟誰倫金城不待屯田策玉帶常懸報主身嶺表威聲先島嶼閣中勲業冠麒麟壯遊更有長風便還擬羅浮訪隱淪

### 暮春行樂

綠陰成障草成茵酌酒高歌樂事新重疊落花何必掃去來啼鳥不須馴鏡機欲盡觀空眼寄傲偏宜曳尾身試問山東李供奉若爲惆悵惜餘春

### 爲錢尚書壽母

錦堂開歲倍芳菲樂借鈞天奏綺幃雲際春星明寶婺膝前華袞作斑衣百年次第三青籙六錫絲綸五鳳輝更喜

孫曾軒翥勢凌霄還見一行飛

和馮京兆登其尊君所築水西臺詩爲孝廉咸父作  
三泖波光一鏡開中從京兆起樓臺臺前明鏡搖峯影鏡  
裏脩眉待畫來孝子永懷風在樹歸人體物賦成梅登臨  
不厭移舟晚月落汀洲送客迴

黃二府父母雙壽

高門族重無雙望綺席觴稱第一籌六十年華齊伉儷八  
千歲月自春秋膝前綵服榮朱紱天上綵綸貫素侯莫訝  
岡陵爭効祝歡聲先已協歌謳

與王君之唐叔美韓甥景魏小坐寓感

屏花經雨點蒼苔長日因廬短夢回攬鏡已知青女至摘  
芳猶眄綵雲來穠陰滿徑春都盡暝色生寒酒欲催相對  
幸逢賓不惡柴門莫爲故人開

潘尚書挽辭

補袞三朝屬降麻南都八座擅聲華遊仙一夕蓬萊夢巷  
哭千家蘆荻花海上玉魚新葬地雲間金谷舊烟霞鳳毛  
淚盡榮哀處幾樹白楊棲暮鴉

送顧司勳道行擢憲山東

仙郎清望鬱芙蓉閭命新裁下九重職重詳刑持漢節星  
移執法麗秦松銓衡奏績符輿論齊魯勤宣佇景鐘暇日

試登華不注應騎白鹿狎青龍

陳侍御出宰靖江有瑞麥甘露爲賦

臺端舊望自差裁出宰江城惠政多地效麥岐占歲稔天  
垂甘露報時和無煩漢武仙人掌不羨漁陽百姓歌驄馬  
豈終違立仗飛鳬行復向鳴珂

送同年盧子劍中翰奉使還朝

久慚名字在盧前天路應輸早著鞭賦就南都緣奉使舟  
廻北道卽登仙晨趨畫省青藜入夕候黃扉綵筆傳蠅附  
苦無芹曝獻臨岐三祝萬堯年

雨過遣興

半空涼颼襲園廬雨過長林暑氣除枕簟自疑周是蝶池  
塘誰謂子非魚望秋扇却青團去入夜歌闌白苧虛不畏  
朱門辭襍襪掩關方讀絕交書

楊郡理奏績分賦石湖爲贈

關西家世濟南豪奕葉聲華屬鳳毛射雉一朝成快吏擊  
蛇三輔冠時髦湖波近與持平似星彩遙分執法高要路  
在前揮汗日只今青瑣屬賢勞

并文基聖拜官上林

新傳除目報鳴珂酒次因君一放歌吏似漆園堪夢蝶書  
尋閣帖証觀鵝不嫌白髮嘗冠冕獨喜清時入網羅天



子方思上林賦詞臣勸諷欲如何

曾令君舜徵邀陪呂郡理玉繩夜遊石湖遇雪

仙郎結綬並賢豪選勝聊紆州縣勞  
宰劇并酬曾點志割鮮還借呂虔刀  
江寒劍氣雙龍影風度簫聲一鳳毛  
乘興不嫌昏黑到肯辭衝雪步林臯

### 淩江曉發

漏盡城頭鼓角催衝烟欲發更徘徊  
春潮萬里乾坤合曉日一輪天地開  
望裏玉峰分紫翠空中蜃市失樓臺  
蓬窓客夢初醒處疑有橫江孤鶴來

### 桃花書屋爲太宰楊公賦

桃花何必武陵迷，傍嶺偏憐面面齊。  
卜筮數椽非避世，不言三月自成蹊。  
山當虎谷迎辰北，水過龍灣似漢西。  
想得山公扶醉日，兒童爭唱白銅鞮。

送徐子本禮太和山

風正潮平錦席催，分明徐福訪蓬萊。  
雲從黃鶴樓前過，花看玄都觀裏開。  
一綫心香酬寶座，半空身世逼瑤臺。  
仙源不與人間隔，知爾能探大藥回。

傅曾二令君邀飲石湖因見春社戲呈

赤門春社走山祠，報歲爭傳勝昔時。  
士女傾城催賽鼓，龍蛇臨水動靈旗。  
新粧袿服來何暮，白舫青簾歸獨遲。  
不是

神君能錫福誰令歌頌樂于斯

李本寧太史貞吉王孫同汪仲淹諸君見過集文起  
堂分得之宇

乘秋選勝欲何之委巷勞過折露葵萬里雲霄瞻氣象百  
年湖海識襟期龍門仙史猶青眼魚服王孫自白眉郢曲  
定知能和雪吳歛尾續媿墳簏

遊仙

棄瓢脫屣復何求世外名流亦道流豈必桃源知漢魏寧  
論李耳歷商周蠅頭一擲三山月鶴背孤吟萬里秋誰謂  
赤松曾有約子房元不愛封侯

贈別貞吉王孫

十年離索懶逢迎三徑蓬蒿日漸生  
誰謂枯禪應面壁忽來宗子是維城  
豫章未遇工師顧震澤先爲訪戴行  
握手無何又成別片帆搖曳不勝情

贈荅李本寧太史

天祿然藜早著聲已知名字在題屏  
仙舟獨許林宗共紫氣叨從尹喜迎  
興寄探竒雙蠟屐詩成招隱一長城  
清朝講幄應虛左謾說東山更有情

西施洞懷古

會稽蠖屈計求伸一笑傾城出麗人  
烏喙未銷嘗膽恨蛾

眉寧惜浣紗身越溪明媚秋波動吳嶺羨我曉髻新一自  
扁舟五湖去年年花効捧心顰

寄彭城叅軍叔父

謾勞雙鯉笑行藏一紙緘題報父行雖與烟霞成肺腑本  
無軒冕在膏肓蒼苔爲我封門徑黃葉催人讀老莊應是  
蘇宗遺養直群飛屬玉滿廻塘

徐中翰士彰過訪小酌

窮愁著述亦吾師畢竟扶搖到鳳池只合低頭拜東野有  
何顏面効西施三秦捧冊宣新命百里移舟問故知酒侶  
舊推徐邈聖也須時復一中之

春日郊西野步

入春意緒新梅柳出郭喧囂遠市廛勝賞不殊濠上適風  
光何必滾西偏旗亭取醉三杯酒梵宇尋僧一縷烟信步  
夕陽歸未晚須知行樂在隨緣

讀于肅愍傳

翠華誤入犬羊群虜騎縱橫黑陣雲慷慨身家輕似葉權  
衡社稷重于君一腔熱血膏燕市萬古忠魂對岳墳愁殺  
鷺絲水上立民謠嗚咽不堪聞

題群仙拱壽圖爲袁大宗伯壽

聖主溫綸眷寶臣鳳城紫氣報生申群仙作客迎南極八

座爲卿拱北辰盤錯大烹堂饌入香分縹蘖 帝壺新童  
顏好駐蒼生望計日持衡未老身

得徐大司成公望書問

際會清朝好策名登樞偏切布衣情燕雲北望三千里趙  
壁南來十五城不食謾勞爲我惻未鳴那敢與人驚長林  
自計應投老一曲滄浪且濯纓

王胤昌太史書貺至兼示報慶編

碧山學士洛陽豪奉使登臨賦綵毫千里神交心已醉三  
年契濶夢徒勞蒼頭遠荷青絲籠白綃斜封金錯刀謾詫  
足音成獨喜直令空谷聽雲璈

中冷館爲仲和宗侯賦

中冷迥接大江迂，蓮井澄泓汲玉壺。  
應是天潢來郢甸，獨令地寶出城隅。  
月臨叢桂清河漢，秋入梧桐冷轆轤。  
莫謂揚波成往事，當年漁父亦吾徒。

中秋公瑕過園亭看月有作

中分秋色可憐宵，璧月當空不待邀。  
斟酌莫辭須此夕，陰晴未必是來朝。  
詩成李白推黃絹，曲度秦青壓紫簫。  
試問淮南衆賓客，可能重赴小山招。

園居自述

空館踈林野性宜，馴禽偶鹿互追隨。  
青雲無復千秋事，白



髮由他一鏡絲非爲客來頻掃徑不因書學亦臨池端居  
別有幽貞意試讀王沉論自知

蔣少叅子徵惠金盤露賦謝并期同酌

泉石分封是醉鄉酒徒豈必借高陽殷勤持贈金人掌珍  
重應如玉女漿十載巢雲慚獨醒一杯邀月愧先嘗殘英  
留得籬邊菊何日來同飛羽觴

送戚少保罷鎮歸齊二首

功成南北已無虞拂袖歸兮逐酒徒旣遣葡萄酒來異域不  
妨蕙苒作明珠材官漸老穿楊技鐵騎都聞汗血駒只恐  
殿庭恩頗牧拊髀還藉握銅符

未老歸來亦主恩  
九天綸綍更春溫  
乍令馬援題銅柱  
即許班超入玉門  
車騎到時多下榻  
江湖隨寓一開尊  
行藏莫識乾坤意  
廣蔡封侯且勿論

戲荅客

賣曆何須朱雀桁  
鬻書聊且効劉棊  
研硃謾詫三冬足  
負郭原無百畝良  
不爲逃禪耽面壁  
偶因餽粥亦循牆  
誰令壯士生顏色  
解縻先償同舍郎

許元實沈郡公高第弟子也自宣城來候沈因見過  
述沈許可之意贈予一詩次韻奉荅

索居悵憶鳳皇群  
逸翮翩翩喜見君  
不意蓬蒿深仲蔚  
幸

逢丹楫過休文畫龍叨竊公門賞失馬何須塞上勲久矣  
樗材無匠顧斑衣那肯易玄纁

舊監司邢公子愿寓書仲氏惓惓下訊感而有作

書報揮人動去思遙憐同調及頃筮老臣未得從無忌公  
子何緣薦不疑意氣纏綿神獨往雲泥脩阻見猶遲只今  
江漢謳歌起風裁應知似昔時

酒次漫作

十載雄心付酒杯千秋玄賞一登臺青雲自是人間事白  
雪惟宜座上來王掾不癡休問米東之已老莫論才春風  
別有閒消息腸斷丰茸幾樹梅

答蕭郡公明仲

炳耀虞廷足羽儀江城暫息碧梧枝千秋自合推王佐三  
輔猶煩試望之數枉驚和勤折節劇談書學快臨池隨車  
別有春風在不獨荒園草木知

七言排律

元輔申少師獻壽十四韻應顧黃門諸君之命

歡騰寰宇慶生申毗訓功成未老身星顯六符光黼黻雲  
含五色煥絲綸累朝簡命金甌重奕葉科名玉樹新入告  
謀猷勤補袞不言亭毒著垂紳形勞吐握開東閣職慎阿  
衡秉國均龍德先天依日月鳳池簪笏冠臣隣堯年並錫

分黃道舜日齊熙密紫宸靈壽未須扶俊乂華夷早已頌  
天民南山樂奏西清近東壁輝躔北極親六膳羹調神鼎  
味三漿麴釀帝壺春秋期玠餅傳中使甲第高門掃舍  
人爽氣臨軒朝錫讌月華當戶夜留賓側身霄漢瞻鴻烈  
曳尾泥塗隔下塵誰謂樗材叨獻祝亦同桃李荷陶鈞

和劉太學七夕悼亡十二韻

梧葉迎秋落夜堂天台非復舊劉郎絕憐遠信迷三鳥獨  
擁愁心寫七襄少別竟成旁死鬼大丹那得返覓香夢回  
巫峽空雲雨花老琴臺冷鳳皇七夕自容牛會女九原寧  
有鵲爲梁豈惟望帝能啼血不待聽猿亦斷腸斷袖誰邊

銷髻綠擢舡何處覩頭黃吳歎有恨歌男后楚些無聲起  
國殤戀主詎知翁失馬觸藩難免路亡羊謾言冥漠應無  
侶謬說溫柔別有鄉弔鶴倘重歸華表前魚不用泣龍陽  
只今猶訝中山醉莫遣椒漿莫羽觴

五言絕句

寒塘雙雉

上有琅玕色下含冰雪姿寒塘立雙雉飲啄自隨時

秋溪雙鴨

秋水芙蓉老秋林霜葉紅雙鳬溪上宿無意慕春風

荷花鴛鴦

葉嶼羅衣碧花潭粉黛香風波不到處兩兩浴鴛鴦

牡丹錦鷄

魏紫雜姚黃參差逞艷陽乘春聊衣錦未必擅文章

蠟嘴枸杞

啄處逞黃口翔時掩翠翎多餐王母杖應化作三青

題雪景

踏雪訪招提衝寒策杖支雖無剡溪棹應有灞橋詩

海棠

夜半出紅粧盈盈春睡足爲語綺羅筵無勞秉高燭

松梅二首

孤山宋處士徂徠秦大夫俱有水霜操那知年歲徂  
月來森玉樹風過奏銀笙似呈羽衣舞還學步虛聲

金閭送別

別淚一時傾陽關第幾聲天涯何處是不遠闔閭城

詠陳山人珠

明月出隋侯精光入夜浮世人多按劍莫向暗中投

梅花

偶讀梅花賦因懷宋廣平貞心能不改結果是調羹

六言絕句

題達磨像



速去渡江一葦淹留面壁九年試問遊梁入魏幾時却返  
西天

楊柳

濯濯傷離贈別青青帶雨縈烟如今興廢池上可似張緒  
少年

七言絕句

題夏景美人

紈扇低垂螢火流夜深刀尺未曾收也知邊塞寒應早欲  
製征衣不待秋

題黃鶴樓圖

一聲長嘯向蓬山千歲桃花好駐顏只合獨騎黃鶴去誤  
留仙跡在人間

題寒澗幽禽

幽澗長松挺素秋空山琴筑響寒流人踪不到野禽樂隨  
意飛揚如海鷗

中秋夜二首

聞說花巖簫鼓喧綺羅作隊侈金尊長林夜半輕雲破亦  
有清光到薜園

半開河漢微雲破欲落梧桐疎雨收靜夜焚香池上坐小  
園別是一中秋

庚子生朝集卷之二  
題杜鵑鳩鵲

羽族由來得氣先  
洛陽有客感聞鵲  
須知鵲噪鳩鳴處  
旦夕陰晴卜未然

寄徐懋昭

經年不得故人書  
問訊遙憐老叟居  
應寄愁心千里月  
一痕曾上夜窓虛

贈山中人

愛爾山人不出山  
偶來城市亦投閒  
明朝依舊青山去  
雲樹煙蘿自掩關

杏花

八株浪說明光殿萬樹虛傳董奉林春色滿園吾自足十  
年打疊曲江心

海榴

枝頭火齊發離南永日流暉映碧潭莫恨紅顏秋易謝含  
房猶可報多男

桂花題贈顧文學

香生蟾窟露華涼匹馬天街走鳳皇奪錦自君家世事一  
枝高折屬長康

西府海棠

簾捲蝦鬚寶鏡開太真睡足自低迴傳呼西府夫人至淡

庚子集卷之二  
三  
掃蛾眉號國來

題刺繡圖

蛺蝶成雙過短垣  
參差花事到山礬  
凝粧刺繡消清晝  
猶勝東家倚市門

萱花

珠簾寶瑟瑞光浮  
碧葉丹英曉露收  
酒熟北堂歡介壽  
薰風相對正忘憂

梨花

重門寂寂鎖香雲  
雨滴空階坐夜分  
老去微之風調在  
折來何處與雙文

題沈啓南馬遲風急

度曲已知蕭寺別披圖重見暮雲天  
秋風多少羈人思不待江淹賦黯然

柳枝詞

年年三月語流鶯何必隋堤獨有名  
莫道路傍容易折一絲一繫別離情

題文太史畫歲寒雙白頭

太史公生平不畜妾媵其伉儷之誼老而彌篤此圖

意實有託後生小子仰愧前脩敬題其上

巉嶠古榦宿雙禽水雪偏堅歲暮心  
借使臨邛逢卓氏不須遺恨白頭吟

題喬柯秀石

怪石嶙峋虎豹蹲  
虬柯蒼翠陰空村  
亦知匠石不相顧  
閱歷歲華多蘚痕

題喜雨圖

山勢空濛雨勢催  
扁舟盪漾過湖來  
土龍盡撤催聲起  
但見前村沽酒回

題松風圖

澗阿天籟奏笙簧  
雲護龍鱗百尺強  
試訪山中陶處士  
應知宰相在華陽

題蘭竹

雨餘亭館絕塵氛  
讀罷南華對此君  
風度芳蘭香入戶  
須知身外卽浮雲

和祝京兆韻題携琴圖

夾岸蘆花秋漸深  
小亭獨坐絕招尋  
素琴在側不須弄  
入望俱成山水音

恭題

宣廟御筆畫馬

宣皇勤政慕陶唐  
咨訪時時入未央  
天廐解鞍閒駿馬  
詞臣不必賦長揚

題劉太學宋卿畫



長松繡壁絕囂塵  
瑤草桃花別有春  
野徑相過書卷客  
須知俱是問奇人

題梅花醉臥圖

幕天席地許誰倫  
夢入羅浮自得真  
不是鴟夷容易狎  
世情難着獨醒人

題文壽承丈畫蒲萄

國子先生翰墨豪  
還將餘興寫蒲萄  
披圖不耐山陽感  
一再呼童倒濁醪

題緩轡圖

踈松歷歷夾長隄  
跨蹇携琴路欲迷  
滿眼湖光動詩志  
不

須風雪灞橋西

題沈啓南學趙子昂雲山

松間抱膝對潄淩鏡裏芙蓉若可攀疑是鷗波亭上客翻  
身出世貌雲山

題牧笛圖

田家歲計在鋤犁茅屋高眠唐子西牛背笛聲歸短徑已  
知山月映前溪

題畫兔

不從東郭困韓盧亦任田中笑守株千載獨傳毛穎傳常  
留姓字與人呼

枕上漫作

荷葉田田滿碧池  
荼蘼開遍綠陰肥  
春光已過春愁在  
悟往齋中風雨時

聞鄒進士起廢

釋褐先輸一寸丹  
重來不愧惠文冠  
假令昔日逢田畵  
嶺表無勞責志完

紀興

風過池亭裊綠烟  
踈踈梅雨潤紅蓮  
機心銷盡拋棋局  
長日惟添一覺眠

漫作

客傳除目下銓司東閣初開握髮時試看清華登管庫卽  
知賢士野無遺

贈徐國醫

成醫何必肱三折療病還憑肘百方試看南州隱徐穉卽  
知吳市有韓康

粉紅石榴

施朱太赤傅粉白淺白輕紅黯淡粧大似華清逃暑客沿  
華不御浴蘭湯

集周兆通宅試新聲遇雪

還傾魯酒試新聲客醉寧容主獨醒莫恨曲終無白雪晚

來玉樹滿中庭

擁翠樓

樓開何必面芙蓉坐倚巖巒十二重  
莫道朝來多爽氣紙屏還有白雲封

題芍藥遊蜂

香生院落自深沉芍藥開時綠滿林  
春老遊蜂無氣力過墻空有惜花心

徐羽士禱雨有驗贈之

羽士爲先朝司馬熙之裔

郡侯憂旱禱桑林司馬聞孫道術深  
捧檄登壇無信宿靈符飛處卽甘霖

贈蓮宇上人

鴈塔中分佛宇偏焚香石榻理經櫪懸知長日成趺坐滿  
眼青蓮與白蓮

張茂實以穀餉池鴛佐之以詩率爾報謝

石梁曲榭戲漣漪飲啄偏于野性宜粳稻幸分鸚鵡粒文  
章何必鳳皇池

贈錢文學厚卿

芸窓憶昔對窮經此日相逢眼自青老筆正輸錢起健數  
拳猶可賦湘靈

落花

小苑花飛數點紅半沾泥土半隨風須知世上豪華子都  
在邯鄲一枕中

爲人題素綃

殷勤持贈寄情親一幅冰紈不染塵  
莫怪臨岐沾粉淚當年元自泣鮫人

寄荅馮咸甫

九峰一水望盈盈尺素相將十五城  
莫謂春來成契濶入山隨處有題名

送徐太學遊秦淮

潮平桃葉渡頭西不是桃源路亦迷  
只恐紅樓春易去鷓鴣

鵲啼罷子規啼

題父生素畫潯陽送客圖

臨岐那可聽琵琶酒盡蓬窓江月斜腸斷曲終星散處西  
風瑟瑟颭蘆花

雨

小園一夜黃梅雨添得池塘水幾何曉起科頭支策看錦  
鱗無數躍新波

掃亡弟叔貽墓

烟雨空山感鵲鴿新醪陳黍告山靈絕憐青髻人長往化  
作山前春草青



衰柳

當時濯濯灞陵東  
翠黛含顰烟雨中  
一自別離人灑淚  
腰肢不耐舞春風

初夏雨中漫作

長林風雨似空山  
霧鎖烟蘿晝掩關  
石鼎香微試新茗  
不知車馬是人間

見孔加二詩志感

二詩三復一潸然  
死別俄驚二十年  
謾說鹿門多隱逸  
只今何處見彭宣

杜鵑

舊城荒盡湧江湖蜀帝春蒐不可招  
認取三更枝上月啼時莫向洛陽橋

題孫叔達爲吳虞部額秀石紫薇

嶙峋秀色對蒼涼碧樹交加蔭竹床  
大似廟堂須柱石省中先著紫薇郎

詠史十一首

牧野鷹揚亦偶然六韜三畧至今傳  
磻溪卽有垂綸者未必君王獵渭川

作客臨邛滌器初倦游誰似馬相如  
許身設有題橋氣老去空存封禪書

虛留西蜀子雲亭  
執戟三朝兩鬢星  
試問當年美新作  
何如舊日太玄經

兵監齊趙上將軍  
卮酒曾高社稷勲  
不學范雎推蔡澤  
謾勞籍福教田君

豈須車騎勝陂池  
誰遣田侯過魏其  
失勢甘同趨勢客  
灌夫元不是男兒

維持漢鼎屬何人  
黨禁方羅致主身  
謾說使君能攬轡  
當時元只合埋輪

虜騎南來勢若風  
臨機勝筭手談中  
功成自爲蒼生喜  
折屐何勞笑謝公

西秦豪傑在風塵捫虱相逢識未真自棄奇才資敵國非  
關景畧事胡人

身繫安危震主身君王元未識純臣須知單騎臨戎者不  
是窮奢極欲人

不是黃衣近白衣寧知再摘使瓜稀功成托跡神仙去未  
許留侯獨見機

僞周端笏混風塵片語回天社稷身但說五龍能夾日當  
時推轂是何人

偶作

芙蓉爲杖芰荷衣不爲垂綸坐釣磯滿眼浮雲自來往謾

勞長日掩荆扉

和仲和宗侯永繡毬

紅紫千林帝子家何如一樹闢鉛華須知賦就梁園雪幻  
作中庭四照花

嘗金孝廉玄予雪酒

不須釀歌與糟餉獨釀梁園雪一壺露下歌邊中聖後人  
生何必步兵厨

影娥圖

影娥池上惜年芳倚徧闌干夜未央寫得素書無可寄沉  
魚先已避容光

仲氏游浙送之登舟歸坐小園戲贈彭子繩

極浦孤帆趁晚風  
鵠原秋思逐賓鴻  
不須絲竹能陶寫  
自有秦青在座中

詠扇

何事卷舒隨冷暖  
須知用舍作行藏  
待將陰盡陽回後  
依舊仁風好奉揚

秋海棠

霜欺衆卉渾無色  
秋入幽姿別有情  
何必太真春睡足  
小庭蕭瑟亦盈盈

客有邀予顧曲不赴荅以二絕

能令公喜復令悲古調新聲自合宜流水高山隨意適賞  
音何必是鍾期

秦青那得號專場白雪陽春統畫梁曲罷知君無誤處座  
中何必有周郎

夢斷

夢斷燕齊雪裏程虛舟陸海寓浮生非關冀北無知己自  
合江東有步兵

題倒挂鳥

玉羽朱唇自陸離故鄉回首作天涯憐香倒挂雕籠裏不

及鷓鴣有一枝

湖湘以倒挂子爲朱唇玉羽

題西府海棠上白頭公

蛾眉淡掃侍環筵西府夫人正少年  
謾學臨邛怨司馬白頭吟罷立風前

雨過散步懷仲氏客越

雨餘新水綠堪染霜落舊林紅欲然  
倚杖鵲鴿原上望不禁吳越隔風烟

綠牡丹

花間認葉都疑葉葉底尋花始見花  
但有天香無國色不同紅紫競繁華

支硎山歸作



昨日尋山如掩關今朝歸臥似躋攀須知三徑足幽意不  
在烟蘿雲樹間

贈筮者孫生

有時長嘯學孫登信爾能將祖武繩七十二鑽隨扣應誰  
云龜策傳無徵

張文學得子

翩翩平子邁宗風蟬蛻儒紳小隱同聞說蘭房多紫氣宵  
分知雨夢熊熊

閩草圖

兢拾芳菲閩翠眉輕衫紈扇自低垂只愁折損宜男草回

首頻看玉樹枝

贈羅明府四首

契闊彌深舊雨情  
寒堂高宴慰逢迎  
座中別有陽春在  
何必絃歌化武城

不耽榮祿慕烟霞  
卜築城隅逸興賒  
解組早辭勾漏令  
成仙元不在丹砂

小山一曲繞廻塘  
賦就閒居樂未央  
寒盡律回春萬樹  
栽花何必是河陽

松菊丰叢一徑開  
知君早已賦歸來  
無論五斗辭彭澤  
陶令元非百里才